

Das die Secten vñ

Athenischen lere in der

Christenheyt sollen außgetilget
werden.

Joannis Musz.

Verdeutlicht durch Wern

Geslaum Linck. Ecclesiasten
zu Aldenburgk.

Anno. AD. D. XXX.

Hist. eccles.

E.
276,38

Autogr. KL, 16

Diese die Rechte

zu erhalten

Es sollen alle

Einmal

Es sollen alle

Es sollen alle

Es sollen alle

Vorrede.

Otho Brunfels Wünschet

heyl dem Christlichen Leser.

Nachfolgende lere berüret der Zuß sunst allenthalbē in seinen büchern/ vnd ermanet das wir vnß hütten fur den parteyſchen leuten vñ menschen der secten/ Dieweil alle partheyen/ faction/ vnd secten von yhrer art vñ natur entgegen sindt der Christlichen geistlichkeit/ Doch yn diesem büchlin handelt er dasselbige reychlicher/ Was er aber sonst alhie handelt vñd etwan auch sonst mit vnser menget/ wollen wir ein yedes an seinem ort sehen.

¶ Alhie merck ebē wie hübsch der allersterckiste Samb/ Judi. 16
son sich selber rechnet an den Philistinern (das wirt gedeutet die fallenden) Vernimb an den sectē der Münche/ darauff gleychsam auff Seülen das Papistische reich steet/ Dann weyl sie im Concilio zū Costenz yhrem Abgotts Dagon (das ist dem Papste) opfern/ fressen/ wollen/ und sprechen / Unser got hat vnsern feyndt in vnser hende gegeben / Vntter deß reyßet er vmb vnd zerbricht dise seülen/ vnd erwürgt ihr yegundt im sterben vilmehr / dann ehr vormalß bey dem leben mit streyten bekrieget hat.

A ij

Das Erst Cap. Das manch

erley secten vnd lere/seere schedlich sein
der Christenlichen Kirchen.



Vnötige/züfellige/manigfaltigkeit vnd vnterschiedunge im gotzdienste vnd geistlichkeit/So durch mancherley menschen wahn vnd willen erfundē/vñ furderlich so nuhe durch lange gewonheit bestetiget/vnd in gemeine übüg der Kirchen gebracht ist/auch nit nodt noch nutze zü vnterscheidung d Kirchen gelidmaß/Na mehr dieselbige zertrennet vñ yre gelidmaß von der lieplichen/tröstlichen eynigkeit absondert. Ist dem gesinde Jesu Christi vñ Christenlichen volcke böße vnd schedlich/Derohalbē sol mans hinaus treiben/zerbrechen/vnd abthun/Vnd folgēts alle mancherley vilfaltigkeit/vnd vilfechtige manichfaltigkeit der gebot/so darauß entstanden ist/Wie mans pflegt zünennen der geystlichen orden vnd ordens personen:Dartzü die manigfaltigkeit der gesetz vnd tradition der veter vñ menschen lere:Manigfaltigkeit der kleydung vnd gewonheiten. Itē der sitten vnd übungen/Vñ sonst viler anderer zerteylüg im wandell des gemeynē christenlichē volcks.Sonderlich aber die öffentlich sein/vñ durch lange gewonheit bestetiget/Vñ am allermeisten die öffentlich kōmen sein auß dem fleische/vnnd auß den lastern/Als auß hoffertigen/vnkeuschen/fressigen/vnd geizigen menschen/Alle solliche vñ dergleichen sag ich solte man mit allem fleiß/vnd grossen ernst/vnd in grosser gedult/Durch recht glaubige Aposteln/lerer vnd prediger Jesu Christi außrotten/verheeren/vnd sam vntüchtige zweyge hinaus werffen/Darmit die tröstliche eynigkeit des heiligen volcks Jesu Christi widerumb angerichtet vnd gereyniget müge werden/Wellicher ein got

psal. 67

ist der die einsamen hauffhaftig machet/vñ ynen vil ein
 der gibt. Das auch die allerfeinste gleichförmigkeit vnd
 allerlustigste gleichheit vnter den fremen Chriſtē mög
 che widerbracht werden/Darzu das der heiligen Kirchē
 wider gegeben werde die allerzüchtigste/Keusche/einfel
 tigkeit im glauben vñ in der liebe. Als dan wirt der wein
 garten des herren der scharen woll versorget vnd erba
 wet/Sodoma widerumb in yhr alte würdikeit bracht/
 Vnd wirt Elias komen vñ alle dingē zū recht bringen/
 Als dan wirt erfüllet werden die rede so geschriben ist/
 Den wirt des mensche Son seine Engel aussendē vñ die
 werden von seinem reych auff samblen alle ergerniß.

Math. 17.

Math. 13.

Capit. ii. Etzliche vrsachen

Warumb nütze sey die secten/vñ frembden menschl
 lichen leren von der Kirchen zū vortreyben.

Verflüssige menige der tradition/ leren/vnd
 fleyschlicher menschen gebot/ Sein nicht nutz
 parlich / sondern schedlich. Erstlich darumb
 das derselbigen menige bemühet die gemüte d
 menschen so fast/das sie deſter vnachtsamer sein vñ min
 der sorgfeltig gottis gebot zū erfüllen/vñ geheimniß zū
 vorstehen/Da her kompts/wañ man auff vilerley ding
 sinnet das der sinnen auf keines ganz steet. Zum andern
 Darumb/dan yhe mehr solliche gesetz vñ erfindunge vn
 term volcke gemeret werden/so vil deſtmehr werden vrs
 sachen zū sünden gegeben. Zum dritten/wirt dardurch
 dem teuffel deſt grösser vrsach gegeben/vñ ein weyterer
 weg gemachet/die einfeltigen schwachen menschen zū v
 suchen vnd anzūfechten. Darumb spricht auch S. Paul
 Ich hab euch darumb geschriben/das ich erkēnete ob yr
 bewert seyt/gehorsam zū sein in allen stücken ic. vñ bald

Menschen
 tradition
 schedlich

2

3

2. Corint. 2

A ij

4

Roma. 5
Act. 15

Math. 23.
Deut. 32

Roma. 10.

1. Timo. 4
1. Corin. 13

hernach / auf das wir nicht vberforteylet werden vñ tuffel / Dan vnß ist nicht vnberwust was er im sinn hat: Vernimb: Er hat lust vnd liebe / besleyset sich auch / dargu das er ergermiß vn stricke oder verletzunge der gewissen in Israel manigfeltige / Wie dan anderßwo S. Paulus sagt / Das gesetz ist neben einkömen / auff das die sünde vberhandt neme / Derohalbē im radte der Aposteln sprach Petrus / was versucht yr got? mit auflegē des Nochs oder Gesetzes auf der Jünger helße ic. Zum vierdtē / dardumb / Dan wan also newe lere / vñ tradition vnterm volcke entstehen / so werden die hertzen der Layen dardurch mercklicher vnd kressftiger beweget vn verwandelt / Auch also fast / das sie gemeinlich dardurch verlassē vnd versaumen / die tapfersten gebott des götlichen Gesetzes / als die barmhertzigkeit / das gerichtē vn den glauben / sam veraltete vn zu vil gemeine / Als geschriben ist / Es sindt newlich newe götter kömen / die ewre veter nicht geehret habē / Deinen fels der dich gelom hat / hastu auß der acht gelassen: Vñ hast vergessen gottis der dich gemacht hat. Zum fünfften / Dan ob wol solliche funde nichts dan nur leybliche übūge sein / dennoch vermeynen die sündler dardurch gerechtfertiget zuwerdē / Trachten nicht zu eylen zum creütze vnsern herren Jesu Christi / vnd zu gottis gerechtikeit vnd barmhertzigkeit / auch sich zurhūmen alleine in der schmach des creützes / Vnd wollen also yhre eygene gerechtikeit bestetigen / derohalben sie gottis gerechtikeiten nit vnterworffen sein / Dan sie haben nit teyl an der liebe Jesu Christi / verheyssen yn selbist ein andere gerechtikeit / außserhalb diser / darinnē sie sich rühmen / Ihre augen sindt yhn verblendēt durch solliche eusserliche leypliche übungen vnd larnen / Welche doch an yhr selbist wenig nütze ist / Derohalbē auch S: Paulus spricht / Wen ich mit menschen vnd mit Engeltungen redet / vnd hette die liebe nicht ic. ließ dasselb

biges capitell volendet hinauß. Es redt auch derselbige
Apostel weyter vñ dem ewigen rühm im creütze vnser
herren Jesu Christi: vnd spricht / Es sey ferne vñ mir rü- Galat. 6
men / den nur vñ dem creütze vnser herren Jesu Christi .x.
Zum sechsten / Darumb das in sollichen menschen lere 6
vnd sünden / durch geschmückte wort / so fein gesetzt sind
zū loben / vñ die zühörer in der rede zū belustigē / die hertz
werden abgewendet von heylsamer götlicher wollust /
vnd einfeltigen warheit. Zum sibenden / Wirdt darinnē 7
getrieben vnd geübet vil philosophia vñ weißheit diser
welt / dardurch die einfeltikeit vnser herren Jesu Chri-
sti abgewandt wirt / Vnd sonderlich wans geschicht im
predigen / zū rumbrettikeit oder die oren zū kuzeln / Dero
halben spricht S. Paulus / Er habe geprediget nicht mit 1. Corint. 1
weißheit in Worten / auff das nicht auff gehalten werde
das creütze Christi. Zum achten lauffen alhie mit vnter 8
leychtfertige lider / stymen / vnd gesenge der fleyschliche
in der kirchen / So durch krafft der müßiken oder sene:
kunst omb geytzs oder menschē lobes willen zūgestimpt
werden / Vnd die hertzen der einfeltigen durch yre krafft
sere ziehen auff eusserlich thun / Wendten abe von der in-
nerlichen liebe vnd wollust in dem herren Jesu Christo /
Vnd verleschen den geist der andacht in den geistlichen
menschen. Zum neündtē / Verdrieffliche mühe so man al- 9
letag vil priester soll haben / darzū vil geschweiz im ges-
bete auß eygenem willen fürgenomen / So doch solliche
geschicht one auffmerckunge mit hoffartt verdrieff /
vñ murmeltunge / Derohalbē es kein würdige genügthū-
unge für die sünde sein kan / Sonder solliche arbeyt vnd
erfüllunge derselbigen eüsserlichen dingē verhin-
deret den menschen sere / wendet yhn auch etwan abe / vnd ver-
stört yhm sein vornehmen / Das dieweil er mit disen bes-
mühet ist / er verhindert wirt seinem gote / yinnerlich im
hertzen zedienen / Versaumt denselbigen waren gots

Math. 15.

Math. 6

Dienst / lernet yhn auch nicht / Na achtet sein nicht mehr
das er möchte got im geyste vñ in der warheit anbeten /
das doch got vornemlich im gebete gebeüt vñnd haben
will / Darumb wirt wol gesaget / Ir habt Gottis gebot
auffgehoben / vmb ewerer auf seze willen / Vñ baldt her
nach yhr heüchler / es hat wol Esaias vñ euch weyssaget
vñd gesprochen / Dis volck nehet sich zü mir mit seinem
mund ic. Vñ weiter / Alle pflanze die mein hymlicher
vater mit pflantz hat / die werden außgereüt ic. Darüb
ist geschriben / wen yhr bettet solt yhr nit vill plappern

Cap. iiii. Das man allein auff

die schrifft des alten vñ newen Testaments grün
den soll. Item wellicher gezeügnis vñ vrtail
man in der kirchen halten solle.



Vß allen bequeme gezeügnē der warheit / so vñ
anbeginnen der welt allenthalbē gewest sein /
werdē zwen hauffen oder chöre genomen / Als
nemlich der veter des alten vñd newen Testa
ments / Vder der propheten vñd Aposteln Jesu Christi /
zwischen den in der mittē ist die götliche warheit in an
genomener menscheit / zü aller zeit dises lebens / gefüret
worden zü der hymelischen Jerusale / mit sollichen preys
sen vñ gezeügnissen die zü allen zeyten bey allerley mens
schen glaubwürdig gewest sein / Als geschribē ist / Deine
gezeügnis sindt seere gewis vñ glaublich worden / Vers
nymb / nit alleine von wegen der offensbaren vñnd unbes
trieglichen warheit / Sondern auch von wegen der ge
wissen sewereten gezeügnen / Sollichs ist figuriret wo dē
bey den ausspeherm des gelobten landes / die in der mit
ten trugen einen weintrauben / Vñ bey den zweyen Ches
rubin die vber der archa des bundes stunden / vñnd yhre

psal. 92

Numer. 13

Exod. 25

Hebre. 9

antlig zůsamenkereten einander anzůsehen / vnd hielten
das propitiatorũ / Vnd bey den zweyen scharen volckes **Math. 21**
diedem herren Jesu am Palmentage vor vnd nach gien
gen von beyden teylen lobesungen Jesu / vnd gezeũgnis
der warheit gaben / Vnd bey denen zweyen ehrlichen ge
zeũgen / die do gewalt haben den hymell zůschliessen vñ **Apoc. 11**
zů ۆffnen / die one vnterlaß mit der bestien streyten.

¶ Das sindt die gezeũgē erwelet durch die warheit / auß
allen menschen / von ewigkēit versehen / in der zeit beruf
fen / gerechtfertiget vnd heerlich gemacht / Auff das sie
glaubwürdige zeũgen weren zů allen menschen / damit
kein mensch entschuldigung möchte haben wo er aller
warheit nicht glaubete / oder die warheit gottis im vn
rechten aufhielte. Darůb ist auch geschriben / Die heiligē **2. Petri. 1**
menschen gottis haben geredt auß eingeben vnd treybe
des heyligen geysts.

¶ Dan auß sollicher yhrer tũglikēit zů offenbaren die re
gel der warheit kan man woll anzeygen vñ beweyset **Die zeũgen**
werden das gesagt ist. Zum ersten das sie nit auß zufall / **des worts**
sondern von got darzũ erwelet vñ verordnet sein / Wie **seyñ verord**
geschriben ist / Es wurden yhr gläubig / wie vil yhr zum **Act. 13**
ewigen leben verordenet waren / Vnd weyter ist geschri
ben / Dan welliche er zů vorn verschē hat / die hat er auch **Roma. 8**
verordenet / das sie gleichbertig sein soltē / dem ebenbild
seines sones / auff das der selbig der erstgebomer sey vn
ter vilen brůdern. Zum andern / haben sies nicht von sich **2**
selber gethan / sondern beruffen / Als geschriben ist / Wie **Beruffen.**
mandt nympt yhm selber die ehre / sondern der auch be
ruffen sey vñ got / gleich wie der Aaron / Also auch Chri
stus hat sich nit selbs herlich gemacht das er heheprie
ster wũrde ic. Zum dritten sein sie nicht solliche gewesen **3**
die mit dem munde bekennen / vnd sprechen sie erkennen **Die Cristũ**
got / aber mit den wercken verleũgten sies / Oder die die mit werckē
warheit mit worten bezeũgen / aber mit sũndlichē bosß **bezeũgen**

B

8

Roma. 2

Math. 5

Act. 1

Bestendig
Psal. 77

Act. 4

Luce. 24

hafftigen thatten dieselbige verletzen vnnnd zubrechen/
die die warheit Gottis auff halten im vnrechten / als
oben bemeldt ist / Vnnnd als geschribē ist Du heyssest ein
Christen / vnnnd verlessist dich auffß gesetz / vnd rhümeß
dich Gottis / vnd weyssist seinen willen / vñ weil du auß
dem gesetz vnterrichtet bist / prüfestu was recht vnd nit
recht ist ic. Handlest dennoch vbel vnnnd schendist Gott
durch vbertretunge des gesetzes ic. Solliche vnnnd der
gleichen / gehören nit vndter die zal der zeüigen / mügen
auch nit gezeüigen der warheit sein / Sondern allein die
die warheit volkommenlich mit Worten vnnnd wercken
vorziehen vnd vorgezogen haben / Als geschriben ist / wer
es thut vnd leret / der wirt groß heissen im hymelreich.
Gleich wie auch der her: Ihesus selber anfangt zethuen
vnd zülere: Darumb stehets bey einander geschriben /
Die er hat geruffen / die hat er auch gerechtfertiget.
Zum Vierdten Das sie nicht Kleinmütig / weibisch / oder
vngeschlacht gewesen / wie die kind Ephraym geharnist
den bogē füreten / sindt vñkeret zur zeit des streits / Vñ
als die ein zeitlang gleubē / vñ in d zeit d anfechtüngen ab
fallē / Sondern bestendige männer einer grossen vñ bewer
ten tugēt die die vnweisen straffen mügē. Als geschribē
ist / Mit grosser gewalt gabē die Apostel zeügnis von d
aufferstehüge vñsers herin Jesu Christi. Dergleichen ist
auch gesagt vō dē gecreüzigetē Jesu / dz er war ein pro
phet mechtig vō thatē vñ Worten fur got vñ allē volck /
Derohalbē auch in obbemeltē spruch weyter gesagt ist /
Die er hat gerechtfertiget / die hat er auch herlich gema
chet / Auff dz also alle dise vier eigēschafft des worts S.
Pauli an den zeüigē d warheit befundē werdē da er sagt.
Welliche er verordnet hatt / die hat er auch beruffen /
Welliche er aber beruffen hat / die hat er auch gerechtf
fertiget / Welliche er aber hat rechtfertiget / die hat er
auch herlich gemacht.

9

Cap. iiii. Das die heyligen

so durch die götlichen schrifft der warheyt
haben zeügniß geben/nicht haben müß
gen verborgen bleyben.

ES ist zu wissen/ Das alle die so durch die warheit
zübereytet sein / auff das sie warhafftige
bequeme zeügen der warheyt weren/haben nicht
können verborgen bleyben. Zum Ersten
darumb/Dann sie können die warheit nicht verschweygen
als viel an yhnen ist/Sondern sie müssen mit beque
mer weyße vnd erbarkeyt der warheyt gezeügniß ge
ben / Dann die liebe Gottis zwinget vnd dringet sie
dartzu/Wie Sanct Paulus spricht/So wir zu vil thun
so thun wirs Gotte / sind wir messig / so sindt wir euch
messig / Denn die liebe Christi dringet vnns also 2c.
zum Andern/Dan sie begeren auß grundt yhrer hertzen
zu geben / vnd frucht zu bringen vnd thun/der war
heit/Darzu treibet sie der geist wunderbarlich/ von we
gen yhres meñlichen volkommenen standes vnd volkome
nen krafft / so allwegen begeret seins gleychen zu gebe
ren oder machen/Man schewet allenthalben das leech
re oder vacuū/Eben also ist auch mit einē fromen men
schen/wie geschriben ist/Sehet zu lieben brüder das yhr
die gnade gottis nicht vergebens vñ vmb sonst entpfas
het/vñ abermals/Du sollt nicht leher erscheinen fur dē
angesichts gottis deines herren. Zum dritten/darumb/
Dan die warheit kan nicht verborgen bleyben / sie muß
sich erüngen/vnd yhre gezeügen erklären/Als geschri
ben ist/Mann zündt nicht ein liecht an vnd setz es vn
ter einon scheffell / sondern auff einen leuchter / so leuch
tet es denn allen die im hauß sindt/Also last erwer liecht
leuchten fur den leuten ic.

2. Corint. 5

2

2. Corint. 6

Exod. 23

3

Math. 5

B ij

10

Es soll vnser liecht vnuerborgen / frey öffentlich leuchten von wegen der warheit / der gezeüigen / vnd der denn sollich gezeüigniß der warheit verkündiget wirt. Erstlich sag ich der warheit halbē / daß die götliche warheit ist vō natur fruchtbar vñ der art das sie sich außgeüßet vnd außbreytet. Darnach von wegen der gezeüigen / daß sie will dieselbigē fruchtbar machē / auf das sie folgents yhrer gnaden teilhafftig mügen werden / Endtlich von dero wegen zu wellichen / vnd vmb wellicher willen die warheit geprediget wirt / Dañ es will got gegē den frōmen erzeygen / vnd üben seine barmhertigkeit zu yhrer vrsünde : vñ gegen den vndanckbaren sein gerichtē zu yrē fallen / Als geschriben ist / Sihe diser wirt gesetzt zu einē fall vnd auff stehen / viler in Israel ꝛ. Darumb das sie kein entschuldigung yhrer vnwissenheit haben / Dañ sie haben die warheit der liebe nicht angenommen / Darumb sagte auch der herre Ihesus zu seinen Aposteln Wo euch ymandt nicht annemen wirt / noch ewre rede hörē / so gehet herauß von dem selbigen hauß oder stadt / vnd schüttelt den staub von ewren füßen / Warlich ich sage euch / Dem landt der Sodomier vnd Gomorrer / wirt es treglicher ergehen am Jüngsten gericht denn sollicher stadt / Vnd an einē andern orte spricht er / Wen ich nicht kōmen were / vñ hets yhn gesaget / so hetten sie keine sünde / Nuhe aber kōnnen sie nichts fürwenden yhre sünde zu entschuldigen ꝛ.

Luce. 2

Math. 10.

Johan. 15

Cap. v. Von dem klaren vn

Befleckten leben der heiligen / vñ yrer nachfolgunge.

Canti. 6



Icher daß leben vnd lere der allten getrawen zeüigen der warheit / ist außserwelet als die sonne zierlich schön als d̄ monde / erschrecklich als ein geordnete spitze der kriegsflēute ꝛ. vmb

hencket mit tausent schilden / Sie sindt die sechzig star / Canti. 3
cke männer / die vmb das bett Salomonis zeringß vmb
her stehen / vñ ein yglicher hat sein schwert vmbgürtet /
vñ wegen der nechtlichē forcht (Das ist die regel) Niem
lich die warheit des lebens vnd der lere Jesu Christi / sei
ner Aposteln / Marterer vnd propheten / ein eynige / ges
meine / kurze / leychte / offenbare / vnbetriegliche regell ei
nem yeden Christen angezeygt vñ vorgesetzt / Dardurch
er sich selbist vnd die andern ermessen : vnd also sich selb
ber vnd seine lerer oder prediger richten / erkennen / vñ er
messen müge / Dann einem Christen menschen ist in diser
welt nichts hübsch / nichts weyse / nichts lustbar od tröst
lich / dan alleine Jesus Christus / wellichen er anzeuhet /
Dem er auch singt vnd psalliret da er spricht / Wen hab Psal. 72
ich im hymell : vnd auff erden gefellet mir nichts / wen
ich bey dir bin. Itē mein hertz hat von dir gesagt / suchet Psal. 26
mein antlitz : Herz ich will dein antlitz suchē ic. Wellich / 1. Co. int. 1
er Jesus vnß gemacht ist vñ got zur stercke / weißheit / Johan. 14
warheit / weg vñ lebē / Alle die so dermassen Jesum Chri
stum ynwendig in yrem gemüte / vñ außwendig in yren
sitten habē angezogen / vñ scheinparlich / vñnd gewaltig
lich allen menschen offenbaren die regel der warheit /
vnd zeygen an den weg / Dieselbigen sage ich / sein die be
ste regell einem yden Christen menschen darnach er lebē /
sich selber erkennē / vñ darzü auch die erlernē vñ erwüsch
en müge so die warheit reden vnd nicht thun.

¶ Endt des büchlinis von vertilgunge der secten.

Aufzlegunge Joannis Hufz Über den spruch Genesis.

49. Dan wirt ein schlange werden ic.

B ij

12

Genesi. 49



Abac. 3

Ezech. 22.

An wirt ein schlange werden auff dem wege /
vñ ein natter auf dem steyge : vnd das pferdt
in die versen beyssen : Das sein reutter zuruck
falle : ¶ Dan / das ist der Antichrist / die alle
schlange der teuffel im menschen dē Antichristo : suchet
den schatten der blindtheit : Hat die versen oder hüfe
der pferde / das ist der falschen lerer vñd propheten ge-
bissen / Die hüfe sindt die festen bestendigen begirde / die
selbigen hat er mit dem giffte seiner boßheit vergiffet /
Also das sie lieber wöllen mit giffte der boßheit geset-
get werden / dan mit süßikeit der liebe / Also das sie die
schlange besessen hat / gleich als ein Reutter ein starck
pferdt / in der predigt / Daruō sagt Abacuk / Der du stey-
gest auff deine pferde. Ruhe aber ist er zurucke gefallē /
hat sie stolz vnd hoffertig gelassen / dan die liebe ist inn
yhnen erkaltet / Also das sie kein achtung haben auf der
menschen heil / vnd hat in yhnen die boßheit vberhandt
genomē / Dan ob sie wol schweigen wie die stummen hun-
de / das yhn das zeitliche gut nit entzogen werde / Doch
predigen sie / das sie darmit zeitlich gut erlangē / O wie
gar erschrecklich redet sie der herre durch Ezechielem da
er spricht / Ich habe vnter yhn einen man gesucht der
ein zaum machete / vñ sich gegen mir setze als ein maur
fur das landt / auff das ichs nicht verheerete / aber ich ha-
be keinen funden. Nempt war das tegliche opfer ist hin-
wegt genomē / das ist / Christus ist von yhn gewichen /
vnd die abgötterey stehet in der heiligen stadt / Darum
wers list der verneme es / wie der gravel angericht tet ist
zimerstunge. Dieselbigen sindt figurlich vō geschlechte
Dan / derohalben ob sie gleich gerichtts hendell entschey-
den / gerechte vnd vngerechte gerichte hallten / vnd von
der erden fettikeit den seggen haben / doch sindt sie nicht
im Apocalipsi vnterm geschlechte Dan beschribē / Auch
nit vnter den hundert vier vnd vierzig tausent außers

wöleten verzeichnenet / Dan Dan mit seinem geschlechte /
das ist der Antichrist mit seinen Antichristischen / ist ni-
cht im büche des lebens beschriben. Darumb ist das der
radt / das sie büsse thun / yhre eygene vñ der yhren gebre-
chen bessern / vnd die crsten werck der liebe wircken / Auf
das sie durchs creutz Christi / so sie yhr creütze Christo na-
chtragen / ewigklich ins büch des lebens werden einge-
schriben / Gleych als Manasses mit seinem geschlechte
in einer figur anstadt Dan durch die creutzweise schlyss-
sunge der hende / Jacob ist verzeychnet worden Amen.

Gedruckt yn der Fürstlichen Stadt Aldens-
burgk durch Gabriel Kantz.

13. 03. 82
07. Juli 1981

[Faint, illegible text, likely bleed-through from the reverse side of the page]

[Faint, illegible text, likely bleed-through from the reverse side of the page]

L. A. Döcker

M